

EQIKKAANEQ

KANUKOKA-p siunissami ilusissaa

Politikkikkut aqutsinermi ilusissamut, tassa siulersuisut qanoq katitigaanissaannut aallartitanillu ataatsimiittartoqarnerup attatiinnarneqarnissaanik apeqqummut, tunngatillugu tunngaviusumik ilusissaq imaattoq orniginartinneqartoq malunnarsivoq ”Kommunalbestyrelsinit inassutigineqartut”¹⁾ qulequtaralugu borgmesterit saqqummiinerisa kingornatigut:

- Siulersuisut ukunannga katitigaassasut: Kommuninit tamanit borgmesterit illua’ tungiliuttullu siuttui aamma siulittaasoq aalajangersimasooq (kommunalbestyrelsimut ilaasortaannerminit sulinngiffeqartussaq).
- Aallartitanik ataatsimiittartoqarneq atorunnaarsinneqassasooq, tamatumunngali taarsiullugu kommunini qullersasut, soorlu aningaasaqarnermut ataatsimiititalianut ilaasortaasut ataatsimiinneqartassasut ukiumut ataasiarluni (akuttunerusumilluunniit).

		Qaasuitsup Kommunia	Qeqqata Kommunia	Kommun. Sermersooq	Kommune Kujalleq
1	Aallartitanik ataatsimiittartoqarnera atorunnaasava? Aap / Naamik	Aap	1*	Aap	Aap
2	Siulittaasoq a) Aalajangersimasumik piffissaq tamaat siulittaasuussava? b) Siulittaasut paarlakaatissappat?	a)	1*	a)	a)
3	Siulersuisut qanoq katitigaassappat a) Siulittaasoq borgmesterillu? b) Siulittaasoq, borgmesterit illua’ tungiliuttullu siuttui 4?	b)	1*	<i>Amerlanerus-suteqartut:</i> a) <i>Ikinnerus-suteqartut:</i> b)	b)
4	Siulersuisunut ilaasortat tamarmik siunnersuuteqarsinnaallutillu, oqaaseqarsinnaallutillu taasiinnaassappat? Aap / Naamik	Aap	1*	<i>Amerlanerus-suteqartut:</i> Apeqqut atuutinngilaq 3a qinerneqarmat <i>Ikinnerus-suteqartut:</i> Aap	Aap
5	Ukiut tamaasa kommunini qullersat ataatsimiittasappat, soorlu Aningaasaqarnermut ataatsimiititaliani ilaasortat? Aap / Naamik	Aap, immaqali ukioq allortarlugu	1*	Aap	Aap

¹⁾ Borgmesterit nalunaaruteqarnerannut tunngaviuvoq kommunalbestyrelsit sisamaasut ilaanni pingasuni ”KANUKOKA-p siunissami ilusissaa”-ta oqaluuserineqarsimanera, saqqummiussinermi atorussat apriliip 21-ani 2015 KANUKOKA-p allattoqarfianit nassinneqarsimasut tunngavigalugit. Borgmester Hermann Berthelsen ilisimatitsivoq Qeqqata Kommuniani kommunalbestyrelsimit tamanna oqaluuserineqarsimanngitsoq, kisiannili piareersarnermi kommunalbestyrelse peqataajumaartoq oktobarip 27-ani 2015 aallatitat immikkut ataatsimiinnissaanni aalajangernissap tungaanut.

Atuuffiit suliassallu

Suleqatigiikkuutaarluni ataatsimoorlunilu oqallinnerni tulluuttuni siunertanik pingaartitanillu oqaasertaliinerit (visionit missionillu) oqallisigisassatut saqqummiunneqarsimasut annerusumik iserfigineqanngillat – erseqqissunilli taaguisoqarpoq KANUKOKA-p atuuffianut suliassaanullu tunngatilugu eqqarsaatinik, isumassarsianik siunnersuutinillu.

Suleqatigiit 1 suliassanik ima pingaarnersiuivoq:

- *Pikkorissaaneq piginnaanngorsaanerlu*
- *Siunnersuineq*
- *Kommuninut ikorfartuineq*

Suleqatigiit 2-p taakkartorpaat KANUKOKA-p *ilisimasanik katersuiffiunissaa* – misilittakkanik paarlaateqatigiiffiulluni, ataatsimoorussassanik ataatsimoorussiviulluni *sullissiviullunilu*.

Suleqatigiit 3-mit akisussaaffiit uku KANUKOKA-p ingerlatiinnassagai inassutigineqarpoq:

- *Kommunit ataatsimoorutassaannik ataqatigiissaarineq*
- *Sulisogarnermi isumaqatigiissutit sulisoqarnermilu inatsisilerineq*
- *Kommunit sulisuinik pikkorissaanerit*

Suleqatigiit 4-mit aamma sulisoqarnermi isumaqatiginninniartarneq taaneqarpoq KANUKOKA-p isumagisassaatus. Tamatuma saniatigut *kommuninut ataatsimoortumik tapiissutit naligiissaarisarnerlu* kattuffiup suliassaqrffisut suleqatigiit aamma taavaat.

Suliassat agguataarneqarnissaat

Atuuffinnik suliassanillu taaguinerup saniatigut suleqatigiit ilaat (suleqatigiit 3) ingerlaqqissimapput KANUKOKA-mi suliarineqartartut suliassaqrffinnut aalajangersimasunut tunngasut kommuninut ilaasortaasunut ataasiakkaanut qanoq agguataarneqarsinnaanerit isumaliutersuutigalugu, suliassaqrffit suut kommuninut nukittuffigilersimaneraat tunngavigalugu.

Suleqatigiit isumaqrput *kattuffiup allattoqarfiata* isumagisassai pingaarnernit tassaassasut ataqatigiissaarineq, akissarsianut tunngasut pikkorissaasarnerlu. Taava suliassat allat ima agguataarneqasapput:

Qaasuitsup Kommunia: Aalisarneq, Piniarneq, Inuussutissarsiorneq aamma Takornariaqarneq.

Qeqqata Kommunia: Avatangiisit, Eqqaavilerineq, Utoqqaat aamma Sunngiffik.

Kommuneqarfik Sermersooq: Teknik, Sanaartorneq, Atuartitaaneq aamma Isumaginninneq.

Kommune Kujalleq: Inatsisilerineq, Suliffeqarneq, Aatsitassat aamma Aaqqissugaanermut politikki.

Suliassat qanorpiaq agguataarneqartarnissaat ukiumoortumik isumasioqatigiittarnissani (”qullersaasut ataatsimiittarnissaanni”), aningaasaqarnermut ataatsimiititaliat peqataaffigisartagassaanni aalangiiffigineqartassasoq suleqatigiit siunnersuutigaat.

Atermik allannortitsinissaq

Kattuffiup ilusaanik taama sukumiitigisumik allannortitsinerup aammalu atuuffianik nutaamik oqaasertaliinerup malitsigisaanik atermik allannortitsisariaqarneq (oqaluuserisassanik saqqummi-ussissutini tunngavilersorneqartoq) amerlanernit akuersaarneqannguatsiarpoq.

Oqaluuserisassamik saqqummiussissummi nutaamik taaguutigineqalersinnaasutut taaneqarpoq *Kommunit Suleqatigiiffiat*, taannalu isumasioqatigiinnermi oqallinnerni ippinnanngitsumik pissusis-samisoortumillu atorneqalersoq maluginiarneqarpoq. Aammali isumasioqatigiittuni isumaqartoqar-poq ateq KANUKOKA – imaluunniit taassuma naalisarneqarnera – suli atorsinnaasoq.

Pisortat suliassaqarfiiq aqqissuusseqqinneq

Borgmesterit sisamaasut kommunit kattunnerata kingorna ukiuni arfinilinni siullerni misilittagaa-lersunik, ajunngitsunik ajortunillu, eqikkaallutik nassuiaateqarput.

Asii Chemnitz Narup, Kommuneqarfik Sermersooq, ilaatigut eqqartuivoq sermersuaq akimorlugu kommunerujussuup iluani sulisoqarnerup ineriartortinneqarnerani angalasartunik sulisoqarnermit misilittakkanik.

Hermann Berthelsen, Qeqqata Kommunia, ilaatigut ”kommunerujussuaaqqap” pitsaaqutaanik taak-kartuivoq innersuussutigalugu Qeqqata Kommuniata kommuniusimasunik marluinnarnik tunngave-qarnera.

Ole Dorph, Qaasuitsup Kommunia, kommunip avannarliup isortoqisup marlunngorlugu pingasun-ngorluguluunniit avinneqarnissaanik innuttaasut kissaateqarnerat malunnaqisoq pillugu ilaatigut oqaluttuarpoq.

Jørgen Wæver Johansenip ilaatigut oqaluttuaraa Kommune Kujallermi ataqatigiissumik ineriartor-titsinissaq siunertaralugu suliassaqarfiiq assigiinngitsuni aqqissuussaanermut politikkiliorlutik aallartissimanertik.

Ataatsimoorluni apeqquteqartarnerit oqaaseqartarnerillu pereermata isumasioqatigiinnermi aqutsi-suusoq Nukaraq Eugenius sammisanik pingaarnernik 11-nik allattuivoq:

1. Suliassaqarfiit Aqqissuusseqqinnissaq pillugu Isumaliutissiissummi neriorsuutigineqartut sukkasuumik kommuninut tunniussuunneqassasut.
2. Tunniussinermi sinaakkutit eqqortut / naleqquttut atuutsinneqassasut, naligiinnginneq pinn-gitsoortikkumallugu.
3. Nunap immikkoortuini inerisaaneq naalackersuisutigooortumik aaqqiivigineqartassasoq, kommunini pinnaassutinngortinnagu.
4. Inuussutissarsioarnikkut sinaakkusiisanermi periarfissiisarnermilu siamasinnerusumik periu-seqarnissaq, soorlu assersuutigalugu kommuninut naleqqussakkanik aalisagartassiisarnikkut.

5. Sanaartugassanut akisussaaffik aningaasartaalu kommuninut nuunneqassapput.
6. Nunaqarfinni aqutsisunut akisussaaffinnik tunniussisarnerup pisussaaffinngortinneqarnissaa.
7. Akiliisitsiniartarnerup kommuninit akisussaaffigineqaleqqinnissaa.
8. Piniarnermut allagartanik tunniussisarnerup kommuninut nuunneqarnissaa.
9. Angallannermut kiffartuussinissanut isumaqatigiissusiortarnerup kommuninut tunniunneqarnissaa
10. Tapiissutit aningaasartuutinillu utertitsisarnerit (refusionit) pisariusut atorunnaarlugit aningaasat ataatsimoortumik tapiissutinut ilanngunneqartalissasut.
11. Aaqqissuusseqqinnikkut inuussutissarsiutitigullu siuarsaanerit ilutigalugit tarnikkut peqqisutsikkut suliniutit kommuninut piaartumik akisussaaffinngortinneqassasut (ilaqutariinnut sullissiviit, katsorsaaviit il.il. eqqarsaatigalugit).

Taagorneqartut taakku aaqqissuussaanermik iluarsaaqqinnerup ingerlaqqinnissaani sulissutigissatut eqqaamasassiissutigineqarput, ilaatigut Politikkikkut Ataqatigiissaarisut (Naalakkersuisut, borgmes-terit KANUKOKA-llu siulittaasuata) ataatsimiittarnissaanni aammalu ”Pisortat suliasaqarfiisa ineriartortinneqarnerat pillugu ataatsimeersuarnissami” (4.-5. juuni 2015).

Eqikkaanermut ilanngussat

- Ilanngussaq 1: Tikilluaqqusineq aallarniinerlu, KANUKOKA-p siulittaasuanit Palle Jerimiassenimit.
- Ilanngussaq 2: KANUKOKA-p siunissami ilusissaa pillugu suleqatigiikkuutaat isummersuutaat isumasioqatigiinnermillu aqutsisup oqallinnernik eqikkaaneri.
- Ilanngussaq 3: ”Kommunit, innuttaasut pisortanut isertarfii”, Palle Jerimiassenip “Pisortat suliasaqarfiisa ineriartortinneqarnerat pillugu ataatsimeersuarnermi” oqalugiaataa isumasioqatigiinnerup ulluata aappaani 3. juuni 2015-imi ualikkut oqallinnermik tunngaveqartoq.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Tikilluaqqusineq aallarniinerlu

Piffissap qinigaaffiusup qiteqqunnerani KANUKOKA-mut aallartitat ulluni marlunni isumasioqatigiinnissaannut maanga tamassi tikilluaritsi.

Isumasioqatigiinnissamut tunuliaqutaasut eqqaaqqaalaassagukkit siullermik taasariaqarpoq 2013-imi upernaakkut kommunalbestyrelsinut qinersinerup kingornatigut ileqquusumik aallartitat ataatsimiinneranni aalajangerneqarmat piffissap qinigaaffiup qiteqqunnerani isumasioqatigiittoqarumaartoq.

Taamatut isumasioqatigiinnissami sammisassamik ataatsimik taamanili taasaqartoqarpoq, tassa pi-sortat suliaasaqarfiisa aaqqissuussaananerannik iluarsaaqqinnerup nalilersorneqarnissaa. Naluneqanngitsutut nalilersuineq tamanna pingaartumik kommunit aaqqissuussaananerannut nutaamut atatillugu maanna ataavartumik ingerlanneqalereersimavoq.

Programmimi nassiussuunneqarsimasumi atuarneqarsinnaasutut aqagu ullup affaa tamatumunnga atussavarput. Maanilu ataatsimeeqataasut ilarpassui sisamanngorpat nangikkiassapput Naalakkersuisut aaqqissuussaannik ulluni marlunni tamatuma oqaloqatigiissutigineqarnissaanut.


Ullumi aqagulu ullup affaani sammisassarput tassaavoq kommunit kattuffeqarnerat tamatumalu aaqqissuussaana. Tamatuma isumasioqatigiinnermi sammineqarnissaa siulersuisut pisariaqartissimavaat – tassa pilersaarutaammat ukiaru oktobarip 27-ani aallartitat immikkut ittumik ataatsimiis-sasut malittarisassat nutaat 2016-imi januaarip aallaqqaataanit atulersussat aalajangiiffigalugit, tamannali sioqqullugu tunngavissat peqqissaartumik oqaloqatigiissutigineqarnissaat pisariaqarluni.

Tassalu isumasioqatigiinneq manna oqaloqatigiinnermut tamatumunnga atorneqassaaq. Oqaloqatigiinnerli erseqqissunik sammivilersorneqarsinnaaqullugu allattoqarfik tunngavissanik piareersaate-qareersimavoq:

Tassa kattuffiup siunertaanut oqaasertaliussassatut (visionissatut) kattuffiullu politikikkut aqunneqarnerata qanoq ilusiligaanissanut inassuteqaatit kommuninut upernaq manna nassiunneqarsimasut ”tamuaneqarnerat” isumasioqatigiinnermi maani nangissavarput. Maluginiaqqussavarali inassuteqaatit takku malittareqqillugit allattoqarfik suliaqarsimammat malittarisassanut nutaanut siulersuisullu suleriaasissaannik aalajangersagassanut nutaanut missiliuutinik – taamaalilluta takorloorluarsinnaaneruniassagatsigu visionissatut politikikkullu aqutsinermi ilusissatut inassutigineqartut inat-sisinnngortikkutsigit qanorpiq oqaasertaqarsinnaasut.

Kattuffiup imaluunniit suleqatigiiffiup suugaluartulluunniit pissusianik ingerlanneqarneranillu sukumiisumik allannngortitsineq naggaterpiaatigut sorpassuarnik kinguneqartariaqalersinnaavoq – allaat atermik allannngortitsinermik. Tamanna aamma erseqqissarniarlugu oqaluuserisassatut nassiunneqartut tamatumunnga tunngasumik ilaqartinneqarput.

Taamaattorli erseqqissarusunnarpoq ataatsimiinneq manna isumasioqatigiinnerummat kingorna aalajangiinalivinnissamut piareersaataasoq – taamaattumillu piumalluinnaraanni ilutsinik allarluinnarnik saqqummiussuisoqarsinnaalluni, apeqqutaalluni suna siunertarineqarnerasoq.



EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Tassa tikilluaqqoqqikkusuppassi, kissaatigalugu ataatsimoorluta suleqatigiikkuutaarlutalu oqaloqatigiittarnissavut nuannersumik, unneqqarissumik tunngavilersuiffiulluartumillu ingerlanneqarumaartut.

Takorloorneqarpoq maanna oqaloqatigiinnissavut tunngavigalugit kattuffiup ilusissaanut tunngatillugu siunnersuutinik aalajangiiffigisassanik aggustip aallaqqaataata missaani kommuninut nassissisoqarsinnaajumaartoq, taamaalillutik kommunalbestyrelsit ukiap ingerlanerani piffissaqarluarniassammata oktobarip naalernerani aallartitat immikkut ittumik ataatsimiinnissaannut piareersarnissaminnut.

Isumasioqatigiilluarisi!

Palle Jerimiassen, siulittaasoq

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Suleqatigiikkuutaarnerni suleqatigiiaat akissuteqarnerminni najoqqutarisaat

KANUKOKA-p siunissami ilusissaa

ILANNGUSSAQ 2

Juunip ulluisa aappaanni 2015 – apeqqudit tunngavigineqartut:

1. Kattuffiup siunissami siunertai/pingaartitai suussappat?
2. Aallartitanik ataatsimiittartoqarnera atorunnaassava, taamaaliornikkullu siulersuisut KANUKOKA-mut qullerpaartanngortillugit?
3. Ukiumut ataasiarluni kommunini qullersat, soorlu aningaasaqarnermut ataatsimiittitani siulersuisut peqataatillugit, ataatsimiittarnissaat pissusissamisoornerluni?
4. KANUKOKA-p siulittaasua allamik suliaqarani (soorlu kommunalbestyrelsimiit sulinnigiffeqarluni) akisussaaffini ingerlatissavaa – imaluunniit allatut iliortoqarsinnaava?
5. Siulersuisut qanoq katitigaassappat?
6. Siulersuisunut ilaasortat tamarmik siunnersuuteqarsinnaallutillu, oqaaseqarsinnaallutillu taasisinnaassappat?
7. Siulersuisuni amerlanerussuteqarnikkut aalajangiisarneq atuutissava – taamaattoqassappallu qanoq ilisukkut?
8. Siulittaasooq kommunalbestyrelsini tamani ilaasortat taasinerisigut toqqaannartumik qinerneqartassava, imaluunniit allatut iliornikkut siulittaasooq toqqarneqartassava?
9. Siulittaasooq qanoq aalajangiisinnaassuseqartinneqassava?
10. Kattuffik allamik ateqalissava?
11. Siunissami KANUKOKA'p suliassai pingaarnerit suussappat?

Suleqatigiit 1:

Jens Kristian Therkildsen, Enok Sandgreen, Asii C. Narup, Monica Dorph, Aqqalu Skifte, Simon Simonsen, Josef Petersen.

KANUKOKA / KOMMUNIT SULEQATIGIIFFIAT siunissami?

Suleqatigiiffik tassaasariaqarpoq siunissami kommunit akunnerminni ataqatigiissaarisooqarfiat, kommunillu ulluinnarni innuttaasunik sullissineranni pitsaasunik angusaqarfiullutillu misilittagaqarfiusunik kommuninut allanut ingerlatitseqqisartoq, qulakkeerinniffiusooq innuttaasut nunatsinni atugarsaatigut assigiinerusumik sullinneqarnissaanut kattussuussinerup siunertarisaatut.

Immikkut pingaartitassatut suliassat ingerlanneqartarissatut uku taarusuppagut:

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

- Pikkorissaaneq
- Siunnersuineq
- Ikorfartuineq

KANUKOKA / SULEQATIGIIFFIK tassaasariaqarportaaq ulluinnarni kommunini innuttaasunik sullissinermi allaffissornikkut annikillisaanissami aqutissieqataasoq.

Aammalu ulluinnarni inuttaasunik sullissinermi periusissanik kommunini tamani assigiinnik peqalernissami qulakkeerinniffik minnerunngitsumik qarasaasiatigut (digital).

Tassani qulakkeerneqassammaattaaq qinikkat sulinerminni aalajangigassanut tunngavigisassaat tamakkiinerusut tuttsuviginartullu pigilernissaat.

Isumaginninneq:

Inunnik isumaginninneq tassaavoq kommunini tamani aningaasartuuteqarfiunerpaaq, taannaavorlu nutaanik eqqarsarluni naleqqussartuarlunilu ineriartortitassaq, KANUKOKA-p / Suleqatigiiffiup qulakkeerinneqataaffigisassaa.

1. *Innuttaasunik sullissineq pitsaanagerusoq.* (Borgerservice) Sukkatsittariaqarpoq. SULEQATIGIIFFIUP qulakkeerinneqataaffigisassaa.ersarinnerulersillugu.
2. *Meeqqat Inuusuttullu.*
Inuttut/Inuiaqatigiittullu naleqartitanik/pingaartitanillu aallaaveqartumik assigiinerusumik perorsarneqartariaqalerput. (Angajoqqaat / Atuarfik / Inuiaqatigiit)
3. *Innarluutillit.*
Qulaani oqaaseqatigiinni taaneqartut innersuutigaaqut. Kommunit assigiingitsut pineqartuni misilittakkaminnik paarlaateqatigiinnerusariaqarput.
4. *Utoqqaat.*
Unammilligassat annertusiartorput utoqqaat amerliartornerat ilutigalugu, demografii malillugu pilersaarusionerit kommunilu naleqqussarnerit ataqatigiissaakamik aningaasaqarnikkullu nammanneqarsinnaasumik ingerlanneqartariaqarput.
5. *Siusinaartumik pensionisiaqarneq.*
Reformi ingerlanneqartoq kommuninit peqataafigeqqissaarneqartariaqarpoq, ullutsinnut naleqquttumik piviusorsiornerusumillu aaqqiissuteqartoqaqqullugu.
6. *Ilinniartitaaneq piginnaangorsaqiinerlu.*
Immikkortoq 2-mi taasagut innersuussutigaaqut, inulerisulli taakkuninnga sullissisut tapersornerusariaqaput.
7. *Ataqatigiiaartumik inatsisiliorneq.*
Inatsisiliarineqartartut inatsisiliarineqareersimasullu paasiumarnerusariaqarput!
8. *Ulloq unnuarlu paaqqinnittarfut.*
Akisussaafiqineqarnerat ingerlanneqarallu kommuninut nuunneqartariaqarpoq.

Atuarfeqarneq:

Atuarfitsialaap nalilersorneqqammenera kommuninit tamanit atorneqarluarniarli (pisussaafiliineq).

Atuarfeqarnerup nukittorsarneqarnissaa siunertaralugu!

1. Atuartitsinerup ineriartortinneqarnera.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Oqilisaafigineqassappat ilinniartitsisunik ilinniarsimasunik avinngarusimasuniikkaani illoqarfinniikkaanniluunniit atugassarititaasut assigiinerulernissaat sulissutigineqartariaqarpoq.

2. Sulisoqarneq.
3. Angajoqqaanik akuutitsineq.
4. Atuarfimmik naliliineq.
5. Nalunaaruteqartarneq / pitsaasumik nalunaarutit.
Tamakkiisumik qulakkeerneqartariaqarpoq kommunini tamani atuarfeqarnikkut nalunaarusirtoqartarnissaa peqqussummi piumasarineqartutut.
6. Atuarfiit siulersuisui.

Suleqatigiit 2

Masauna Peary, Poul Hansen, Hermann Berthelsen, Marius Olsen, Kelly Berthelsen, Palle Jerimiassen.

Kommunit suliffeqarfiussapput nuannersut kajungernartullu.

Kommunit Suleqatigiiffiat: Ilisimasanik katersuiffik, pikkoriffinnik siammarteriffik, ataatsimoorussasanik ataatsimoorussivik, sullissivik.

Suliffeqarnermilu atugassarititaasunik isumaqatiginninniartarfik.

Minnerunngitsumillu assigiinnik suliallit naapittarfiat, oqallittarfiat, ilinniarteqatigiittarfiallu (sagsbehandlerit il.il.)

Ilinniartitaaneq

Qarasaasiat ilinniartitaanernut sunulluunniit ilaalluinnalernissaat angusariaqarparput qarasaasiat aqcutigalugit ilinniariaatsit assigiinngitsut (videokonference aamma e-learning), kisianni periaatsit naleqquttut sapinngisamillu assigiaat atortariaqarpavut.

Isumaginninnikkut ajornartorsiutit, pingaartumik aanngajaarniutunik atornerluinermut katsorsaanerit nukinnik atuiffigineqartariaqarput.

Ilinniartitaaneq ataqatigiissaarneqartariaqarpoq, nukinnik atorluaaneq - ataqatigiissaarineq.

Inuusuttuaqqat ilinniagaqarnissaminnut piareerlutik ingerlariaqqissapput, tamatumani suliffigilgassat eqqumaffigilluarneqalernissaat kikkut tamarmik suleqatigiissutigisariarpaat.

Kommunit Suleqatigiiffiat ilinniartitaanermut attuumassuteqartunik allanik peqateqarluni (IMAK, ilinniartitaanermut naalakkersuisoqarfik il.il.) periaatsinik, ilinniartitseriaatsinik allanillu ineriartortitsiviusariaqarpoq (assersuutigalugu suliffinnik sungiusarfissanik qanoq nassaarniartoqassanersoq).

Tamatumani qarasaasiatigut ilinniartitseriaaseq piaartumik ineriartortinneqartariaqarpoq.

Suliffimmi sungiusarneq ilinniarfissaqarnissarlun inatsisitigut aqqittariaqarpoq.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Inuiaqatigiinni oqallinnerit perorsaanerillu pisariaqartut: Perorsaaneq, inuussutissarsiuutigilerumaakanik eqqartuisarneq, ilisimasalinnik soorlu utoqqarnik, aalisartunik, piniartunik, allanillu atorluu-nerusariaqarpugut.

Isorliunerusuni najugaq qimannagu ilinniarnissamut periarfissaqartariaqarput.

Ilinniartitaanerni suniluunniit kalaallisuinnaq oqaasillit periarfissaqartitaasariaqarput.

Inuiattut immitsinnut ataqqineq, nunatsinnik sullissisussaaneq, meeqqaniit ilinniartitsissutigineqartariaqarpoq.

Inuusuttuaqqat suliffissaaleqisutut nalunaartassanngillat, ingerlariaqqittussatulli suliffigineqartariaqarlutik. 25-it inorlugit ukiullit malinnaaffiguarneqartariaqarput.

Ilinniartitaanikkut katataasartut suliniarfigineqarneranni periaasissat nassaarineqartariaqarput.

Piginnaasat malillugit allagartalersuisarneq. Uumunnga allagartartaassaguit uku angusariaqarpatit (imaanngitsoq ilinniarfik una ima sivistigisumik aqutigisariaqarpat) certifikat.

Digitaliseeriineq

Kaabilersuaq sunut tamanut siammarneqassaaq.

Suliniutit aallartiffeqartariaqarmata kommunit qarasaasianik atuinerulernissamut siuttuusariaqarput.

Ikittunnguunerput siammasinnerpullu naleqqussarfigalugu qarasaasianik atuinerulertariaqarput

ERP – sakkussaq iluatinnartoq, suliassanik assorsuaq oqinnerulersitsisussaq, inuiaqatigiinni siammarlutik inuusuni sakkussatsialak, kisianni piffinnut atorneqarfissaanullu (kommunini il.il.) naleqqussarluartariaqarpoq.

Qarasaasiat ilinniartitaanernut sunulluunniit ilaalluinnalernissaat angusariaqarparput qarasaasiat aqutigalugit ilinniariaatsit assigiinngitsut (videokonference aamma e-learning), kisianni periaatsit naleqquttut sapinngisamillu assigiaat atortariaqarpavut.

Aamma “inuinnaat” qarasaasianik atuinissamut ilinniarnissamut periarfissaqarnerusariaqarput. Kommunit misilittagaat Kommunit Suleqatigiiffiat aqutigalugu siammarneqartariaqarput.

Paasissutissat tunngaviusut ajornanngitsumik pissarsiarineqarsinnaasariaqarput. Inuit pillugit paasissutissat killeqarpallaanngitsumik ingerlaqqissinnaasariaqarput pingaartumik inuit ikiugassat eqqarsaatigalugit.

Kommunimi ilinniartitaaneq piginnaanngorsaanerlu

Pikkorissarnerit siammasissut qarasaasianik atuinerulernerneq aqutigalugu atornerulissapput. Aningaasat amerlanersaat pigereerpavut, ajortuminguna ataqatigiinngitsumik atorivut.

Nutserarnersuaq kigaallaamisinneqassappat najukkami tunngaviusumik ilinniarneq kisiat pinnagu aammali ingerlaqqiffiusumik ilinniarneq periarfissiuunneqartariaqarpoq (soorlu isumaginninnermi sulisut qaffakkiartortillugit)

Siuliani oqaatigineqartutut najugaq qimannagu ilinniarneq pimoorunneqartariaqarpoq (e-learning il.il.)

Tassunga atalluinnarpoq qarasaasiakkut attaveqaatit pitsaasut. Inuit angerlarsimaffitsik qimannagu ilinniarnissaannut periarfissat pitsaanagerusut.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Isumaginninnermik suliaqartut ilinniartinneqartarnerat piffiit ilaanni iluatsilluareermat ilinniakkanut allanut atorneqalertariaqarpoq.

Ilinniakkat suut ingerlanneqassanersut pisariaqartitsineq malillugu najukkami attuumassuteqartut peqatigalugit aalajangersarneqassapput (suliffeqarfiit, kattuffiit, ilinniarfiit, oqartussaqaarfiit, atuisussat). Taama siammasissumik eqaatsumillu ilinniartitsinermi periaasissat Kommunit Suleqatigiiffiat aqqutigalugu suliarineqassapput.

Suliassat siammartiterlugit.

Nuttarnermut aningaasartuutit qanoq amerlatigisarpap?

Nunatta, pingaartumik kommunit, inuussutissaat tassa: Inuussutissarsiorneq, tassungalu kommunit qanoq iliorsinnaappat? KANUKOKA tamatumani ataqatigiissaarisariaqarpoq. Periaatsit suut atorneqassappat?

Aningaasaliiumasoqanngippat kommunit qanoq siuarsaaqataassappat? Kommunit qanoq aningaasarsiornermut peqataatigisinnaappat?

Isumaginninnermut aningaasartuutit soormi sulininngortillugit.

Suleqatigiit 3:

Jens Danielsen, Ole Inûsugtoq Frederiksen, Martha Abelsen, Mille Søvndahl Pedersen, Tønnes Kreutzmann, Jørgen Wæver Johansen, Benjamin Kielsen.

KANUKOKA-p ilusissaa

Kanukokami akisussaaffiit suut suliarineqartuaannassappat assersuutit:

- Ataqatigiissaarineq
- Isumaqatigiissutit sulisoqarnermut tunngassutillit, personalejura
- Pikkorissaanerit

KANUKOKA nutaaq

Kommunit pikkoriffii aallaavigalugit akisussaaffinnik agguataarineq assersuutit:

- Qeqqata: Avatangiisit, eqqaaveqarneq
- Qaasuitsoq: Inuussutissarsiorneq, Takornariaqarneq
- Kujalleq: Jura, suliffeqarnermut tunngasut, statistik
- Sermersooq: Teknikkeqarneq

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

KANUKOKA 2015

Ataqtigiissarineq
Aningaasaqarneq
Tusarniaanerit
Akissarsiat
Aatsitassat
Inatsisilerineq
Teknik
Avantagiisit
Atuartitaaneq
Sanaartorneq
Isumaginninneq
Meeggeriviit
Utoqqaat
Il.il.

KANUKOKA siunissami
Ataqtigiissarineq
Akissarsiat - Pikkorissaasarnertit

Qaasuitsup
Suliassaqarfiit:
- Aalisarneq
- Piniarneq
- Inuusutissarsiorneq
- Takornariaqarneq

Qeqqata
Suliassaqarfiit:
- Avatangiisit
- Eqqaavilerineq
- Utoqqaat
- Sunngiffik

Sermersooq
Suliassaqarfiit:
- Teknik
- Sanaartorneq
- Atuartitaaneq
- Isumaginninneq

Kujalleq
Suliassaqarfiit:
- Inatsisilerineq
- Suliffeqarneq
- Aatsitassat
- Aqqissugaanermut Pol.

- **Aningaasalersuineq:**

Akiliutit aggulunneqassapput:

Tunnngaviusunut qitiusumi ingerlatanut aningaasaliissutit saniatigut kommuninut akisussaaftinnik tigusaqarnerit tunngavigalugit agguassinnissaq.

- Ukiumoortumik aningaasaqarnermut ataatsimiisit isumasioqatiginneranni suliassat qanoq agguataarneqartassanersut aalajangarsaavigineqartassapput.
- Kommuninit ataasiakkaanit ukiumoortumik naapinnermi aalajangikkat malinneqarsimanersut nalilersortuarneqassapput.
- Kattuffik / Suleqatigiiffik siulittaasoqassaaq tamanut siuttuusumik.
- Avammut suleqatinut attaveqaataassaaq.

Suleqatigiit 4:

Ole Dorph, Jens Vetterlain, Gedion Lyberth, Malene Lynge, Ole Mølgaard-Motzfeldt.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Allaffissornikkut aaqqissuussaaneq nutaamik aaqqissuullugu ingerlanneqartariaqalerpoq, aaqqis-
suussaaneq nutaaq Kalaallit Nunaannut naleqquttoq.

Anguniakkat

Sulisoqarneq sullissinerlu – personale og sagsbehandling

1. Tamanut ammasuutitsinissamik inatsit – tamanut atuuppoq. KANUKOKA-miiginnarnissaa apeqquuserpagut
2. Isumaqatigiissuteqartarneq – KANUKOKA-miissaaq
3. Sulisoqarnermi inatsisilerineq – KANUKOKA-miittariaqanngilaq

Aningaasaqarneq

Ataatsimoortumik tapiissutit – KANUKOKA-miinnissaa pisariaqarpoq

Ataatsimoortunik tapiissutit / Nalimmassaaneq - KANUKOKA-miittariaqarput

Akiliutitik utertitsisarnerit – Pisariaqanngilaq

Aningaasatigut naatsorsuisarnerit – Pisariaqanngilaq

Eqikkaagallarneq (ataatsimiinnermik aqutsisoq)

- Ataqaatigiissaarineq pitsaanerusoq
- Suliassanik akisussaaffinnillu kommuninut agguaanerunissaaq
- Allaffissornerup annikillisarinnissaa
- Innuttaasunik sullissinerup pisariillisarinnissaa – matu ataaseq
- Sulisoqarnikkut kommunit akimorlugit suleqatigiinnerunissaaq
- Suli ataatsimoorneq pisariaqarpoq
- Sullissineq inunnut samminerusoq
- Paasisanik ilisimasanillu katersuuffittut atorneqarnissaa
- Allaffissornikkut aningaasaqarnikkullu naleqqussaaneq
- Sulisunik ilinniartitseqqiinerit ataatsimoorussat
- Qarasaasiatigut ataqaatigiinnerusumik ingerlatsinissaaq
- Nunap immikkoortuini amerlanerusuni inerisaasoqarnissaa
- Kommunit Suleqatigiiffiat allaffissornikkut kiffartuussiviussaaq
- Politikkikkut sulineq kommuniniissaaq
- Sulianik ataqaatigiissaarineq allaffissornikkullu pisariillisaaneq sullissinermi qitiussapput
- Sulisunik kommunit akimorlugit atorluaaneq ilinniartitseqqinnerlu
- Kiffartuussineq inunnut samminerusoq
- Pissusiviusunut aningaasaqarnikkut naleqqussaaneq

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Juunip ulluisa pingajuanni 2015 – apeqqutit tunngavigineqartut:

Siulersorneqarneq – apeqqutit:

- KANUKOKA toqqaannartumik politikikkut aqutaq?
- KANUKOKA Aningaasaqarnermut Ataatsimiititaliat aqqutigalugit aqutaq?
- KANUKOKA allamik atserneqassava?
Toqqaannartumik politikikkut aqutaq:
- Qanoq siulersorneqassava? Periarfissat assigiinngitsut oqaluuserisassani nassiunneqartuni takuneqarsinnaapput

Suleqatigiit 1:

Jens Kristian Therkildsen, Enok Sandgreen, Asii C. Narup, Monica Dorph, Aqqalu Skifte, Simon Simonsen, Josef Petersen.

- Akueraarput politikikkut aqutaassasoq Kanukokap allannortariaqarnera isumaqatigigatsigu ukua siunnersuutit isumaqatigaagut:
- Siulittaasoq qinerneqassooq tamakkiisumik suliffigalugu.
- Aallartitat atorunnaarsinneqassasut taassumalu taartaatut ukiumut ataasiartumik aningaasaqarnermut ataatsimiissitaliat naapisinneqartassallutik.

Suleqatigiit 2:

Masauna Peary, Poul Hansen, Hermann Berthelsen, Marius Olsen, Kelly Berthelsen, Palle Jerimiassen.

Kanukoka politikikkut suleqatigiiffittut suli piusariaqarpoq, apeqqutinilu assigiinngitsunik isumaqarfiusuni amerlanerussuteqarnikkut aalajangiiffiusassalluni.

Aningaasaqarnermut Ataatsimiititaliat suliakkersuisuussapput.

Kanukokap kommunit sinnerlugit isumaqatigiinniartarnissaa aalajangiusimaneqartuassaaq, taamaangippat ataasiakkaarluta tamatta sulilissaagut, taavalu Kanukoka pisariaarutissaaq.

Kommunini ikinnerussuteqartut aamma Kanukokap siulersorneqarnerani sinniisuutitaqassapput.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Amerlanerussuteqarnikkut siulittaasoq qinerneqartassaaq, siulittaasuuneq ulloq suliffiussanngilaq.

Kattuffiup taaguutissaa: Kommunit Suleqatigiiffiat

Suleqatigiit 3:

Jens Danielsen, Ole Inûsugtoq Frederiksen, Martha Abelsen, Mille Søvndahl Pedersen, Tønnes Kreutzmann, Jørgen Wæver Johansen, Benjamin Kielsen.

Politikkikkut imal. allaffissornikkut aqutaq?

Suleqatigiit pingajuanni isumaqarpugut:

- KANUKOKA aamma siunissami politikkikkut aquneqartoq ingerlatsinermi aallaaviusariaqartoq.

Siulersorneqarnissaa qanoq:

Periutsit assigiinngitsut pingasut eqqartorpagut:

Amerlasuut isumaqarpugut:

- Periuseq 6 (model 6) Borgmesterit + 2.viceborgmestre/Gruppeformandit + Formand

Amerlaqataat isumaqarpugut:

- Periuseq nutaaq: Øko.udv. + 2.viceborgmestre/Gruppeformandit + Formand

Ataaseq isumaqarpugut:

- Amerlanerussuteqarneq aalajangiinermi aallaaviussappat, taava periuseq 5 (model 5) Borgmesterit kisimik + Formand

Ukiumoortumik naapittarneq

- Ukiumoortumik aningaasaqarnermut ataatsimiittaliat, borgmesterit siulersuisullu naapeqatigiittarnissaat pitsaasutut tamanit nalilerneqarpoq

Qanoq atserneqassava?

Assigiinngisitaartumik isumaqarfigineqarpoq:

- ”Kanukoka” ataannartariaqarpoq
- ”Nukoka” siunnersuutigineqarpoq
- ”Kanukoka”-nngipat ajunngilaq

Ukiarnissata tungaanut tamanna ilanngullugu naliliiffigineqarnissaa kissaatigineqarpoq.

Suleqatigiit 4

Ole Dorph, Jens Vetterlain, Gedion Lyberth, Malene Lynge, Ole Mølgaard-Motzfeldt.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Siulersugaaneq:

- 1) Aallartitat tassaassapput Aningaasaqarnermut ataatsimiititaliaq, ilanngullugu illua'tungi-liuttut aningaasaqarnermut ataatsimiititaliamut ilaasortaataqanngitsut gruppeformandiat.
- 2) Siulittaasoq tassaassaaq borgmesteri, ukiut tamaasa nikerartussaq, borgmesterit assigiinngitsut tulleriiarlugit.
- 3) Siulersuisut tassaassapput aningaasaqarnermi ataatsimiititaliaq, borgmesterimik Kanukokami siulittaasuutitaqartoq


Eqikkaaneq (ataatsimiinnermik aqutsisoq):

Isumaqatigiissutigineqartoq: Aallartitaqarneq atorunnaassaaq. Aningaasaqarnermut Ataatsimiititaliat ataatsimoortarnissaannik taarserlugu.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Juunip 3-ani oqallinnermi allattukkat (eqikkaanermi atuarneqarsinnaasut) tunngavigalugit KANUKOKA-p siulittaasua Palle Jerimiassen ”Pisortat suliassa qarfiisa ineriartortinneqarnerat pillugu” juunip 4. aamma 5-iani 2015 ataatsimeersuarnerup aallartinnerani imaattumik oqalugiaateqarpoq:



Kommunit, innuttaasut pisortanut isertarfii

”Pisortat suliassa qarfiinik aaqqissuuseqqinnissaq pillugu isumaliutissiissut” ukiut qulinngulersut matuma siornatigut saqqummiunneqartoq, Inatsisartullu kommunit kattunnissaat pillugu inatsisiliornerannut tunngavioq, isummanik siunertanillu ajunngitsorpassuarnik imaqqarpoq.

Taamaattumillu Aaqqissuuseqqinnissamut Ataatsimiititaliap sulinerata nalaanili kommunini politikerit tungaannit erseqqissarneqartarsimavoq kommunit suleqataarusuttut – tamatumani siunertaasooq immi tassaannigimmat kommunit kattunnissaat, siunertaviosorli tassaammat kommunit kattunne-ratigut aammalu pisortat suliassa qarfiisa ataatsimut isigalugit aaqqissuuteqqinnerisigut innuttaasut sullinneqarnerata *pitsanngorsarneqarlunilu isumannaannerulernissaa inuiaqatigiillu aningaasaa-taasa atorluarneqarnerulernissaat.*

Tamannami kommunit soqutigisarilluinnarpaat. Kommunimmi tassaapput “innuttaasut pisortanut isertarfii” – soorlumi maanna oqaaseqarnissara taama qulequtserneqarsimasooq.

Imaappoq kommunit allaffii pissusissamisoortumik tassaapput innuttaasut arlaannik pisortat isuma-gisassaannik pisariaqartitaqaraangamik, kissaatigisaqaraangamik minnerunngitsumillu naammagit-taalliuutissaqaraangamik saaffigisartagaat – tassa utoqqalinersiutit pineqarpata, akiitsorilersimasat aaqqittariaqalerpata, ineqarnermut tapiissutit pisariaqalerpata, piniarnermut allagartat qassiiliuutis-sanngoraangata il.il. (sorpasuit taagorneqarsinnaapput) – saaffigineqartartoq tassaavoq kommune.

Taamaattumik pissusissamisuuginnarpoq iluarsaaqqinnerit innuttaasut sullinneqarnerata pitsanngor-sarneqarnissaanik naammaginarnerulernissaanillu siunertaqartut kommunit peqataaffigerusussimammagit peqataaffigerusuttuarlugillu.

Pingaaruteqartorlu una taasariaqarpoq: Kommunit iluarsaaqqinnermut taama annertutigisumut inu-iaqatigiillu aaqqissuussaananerannut taama sunniuteqartigisussamut peqataarusunnerannut tunngavi-ulluinnarsimavoq suliassa qarfiit maannamut qitiusumik oqartussanit, imaappoq Namminersorlutik Oqartussanit, oqartussaaffigineqartut ilarparujussuisa *kommuninut tunniunneqarnissaasa* siunniun-neqarnerat. Naatsumik oqaatigalugu: Suliassa qarfinnik oqartussaaffinnillu kommuninut nussuinis-saq.

Tamannami kommunit innuttaasut sullinneqarneranni eqaannerusumik iliuuseqarsinnaalernerannik kinguneqartussaavoq. Tamanna kommunit nunap immikkoortuini inuussutissarsiornikkut pissutsi-nut naleqquttumik aaqqissuussisarnissaannut pitsaannerusumik periarfissaqalersitsisussaavoq – ta-mannalu aamma kommunit “innuttaasut pisortanut isertarfii” taaneqartarnerannut naapertuutis-sagalarpoq.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Taamaattumik kommunalbestyrelsit KANUKOKA-mi sinniisaasa ippassaq isumasioqatigiinneranni ullumi aqagulu Inatsisartut Naalakkersuisullu ataatsimeeqatiginissaanni oqariartuutigeqqusaasa ilarpassui suliassa qarfinnik nussuinissap piviusunngortinneqarnissaanut tunngassuteqarput.

KANUKOKA-mut aallartitat oqariartuutigeqqusaat qulequtanngorlugit taagussavakka, imaattut:

1. Suliassa qarfiit Aaqqissuusseqqinnissaq pillugu Isumaliutissiissummi neriorsuutigineqartut sukkasuumik kommuninut tunniussunneqassasut.
2. Tunniussinermi sinaakkutit eqqortut / naleqquttut atuutsinneqassasut, naligiinnginneq pingitsoortikkumallugu.
3. Nunap immikkoortuini inerisaaneq naalakkersuisutigoortumik aaqqiivigineqartassasq, kommunini pinnaassutinngortinnagu.
4. Inuussutissarsiornikkut sinaakkusiisanermi periarfissiisarnermilu siamasinnerusumik periu-seqarnissaq, soorlu assersuutigalugu kommuninut naleqqussakkanik aalisagartassiisarnikkut.
5. Sanaartugassanut akisussaaffik aningaasartaalu kommuninut nuunneqassapput.
6. Nuna qarfinni aqutsisunut akisussaaffinnik tunniussisarnep pisussaaffinngortinneqarnissaa.
7. Akiliisitsiniartarnerup kommuninit akisussaaffigineqaleqqinnissaa.
8. Piniarnermut allagartanik tunniussisarnep kommuninut nuunneqarnissaa.
9. Angallannermut kiffartuussinissanut isumaqatigiissusiortarnerup kommuninut tunniunneqar-nissaa
10. Tapiissutit aningaasartuutinillu utertitsisarnep (refusionit) pisariusut atorunnaarlugit ani-ngaasat ataatsimoortumik tapiissutinut ilanngunneqartalissasut.
11. Aaqqissuusseqqinnikkut inuussutissarsiutitigullu siuarsaarnep ilutigalugit tarnikkut peqqis-sutsikkut suliniutit kommuninut piaartumik akisussaaffinngortinneqassasut (ilaqutariinnut sullissiviit, katsorsaaviit il.il. eqqarsaatigalugit).

Tassa ippassaq kommunit akunnitsinni isumasioqatigiinnitsinni taagorneqartut ilaat taamaapput – qularinngilaralu ullumi aqagulu nuna tamakkerlugu oqartussaasunik ataatsimeeqateqarnitsinni ta-makku itisilernissaannut periarfissaqarumaartoq.

Kisianni tassa ataatsimiinnerup aallartinnerani tamanna erseqqissareerusunnarpoq: Pisortat suliassa-qarfiisa aaqqissuussaanerannik iluarsaaqqinneq isumaliutissiissut tunngavigineqartoq naapertorlugu tassaaginnangilaq kommunit kattunnerat. Aamma tassaavoq suliassa qarfinnik kommuninut nussui-nissaq.

2009-p kingorna suliassa qarfiit annerusut minnerusullu *tallimaannaat* kommuninut nuunneqarsi-mapput. Isumaliutissiissut malillugu suliassa qarfiit kommuninut nuuttariaqartut *amerlanerujoru-jussuugaluarput*. 100-t tungaannut taaguisoqarsimagaluarpoq.

EQIKKAANERMUT ILANNGUSSAT

Piffissap qinigaaffiusup qiteqqunnerani KANUKOKA-mut aallartitat isumasioqatigiinnerat
2. aamma 3. juuni 2015

Taamaattumik allaat oqartoqarpoq suliassaqarfinnik nussuineq maannamit sukkasuumik ingerlalingippat aaqqissuusseqqinniarneq siunertaarutipajaassasoq. Aamma ilarput oqarpoq tamatuma tungaatigut isumaliutissiissut malinneqarsimagaluarpat pissutsit anersaaruluutigalugit eqqartukkavut allaqqajaraluaqisut.

Tassa pisortat suliassaqarfiisa aaqqissuussaanerannik iluarsaaqqinnerup 2009-mi kommunit kattunneratigut innuttaasunut malunnarnerpaamik aallartittup isumaa siunertaalu pingaartipparput.

Kommunit kattunneranni nuannersunik ineriartorteqqitassaqqissunillu angusaqartoqartarsimavoq – tamanna qularutissaanngilaq, tamanna qujanarluinnarpoq.

Aammali angusat ilaatigut naammaannarsimapput. Ilaatigullu aamma pissutsit nutaat allaat kinguariarnertut innuttaasunit malugineqartarsimapput.

Tamanna nassuerutigisariaqarparput suleriaqqinnissatsinnilu piviusutut aallaavigisariaqarlutigu – aaqqissuusseqqinnerummi innuttaasut sullinneqarnerata pitsaanerulernissaa siunertarimmagu. Taamaattumik aamma aaqqissuusseqqinnerup inuit oqartussaaqataanerannut qanimullu sullinneqarnerannut tunngasortaa pillugu qanoq oqaaseqartoqarnissaa soqutiginaassaaq – tassa tamakkununga tunngasut innuttaasut akornanni aamma maluginiarneqartorujussuusimmata.

Ippassaq isumasioqatigiinnitsinni maani oqariartuutigeqqullugit taagorneqartut ilaannut aamma tunngassuteqarsinnaasoq naggataatigut sammilaarusuppara, tassa eqqaaneqarmat aaqqissuusseqqinnikkut inuussutissarsiutitigullu siuarsaanerit ilutigalugit *tarnikkut peqqissutsikkut* suliniutit kommuninut piaartumik akisussaaffinngortinneqartariaqartut (tassa ilaqutarinnut sullissiviit, katsorsaaviit il.il. eqqarsaatigalugit).

Tamanna aamma inoqarfinni ataasiakkaani kommunit pisortaqarfiillu allat sulisoqarnikkut politikkiannut tunngassuteqartorujussuuvoq. Inoqarfinni ataasiakkaani sulisoqartarpoq sulisunut allanut nunaqqatigiinnullu ukiut ingerlaneranni pingaaruteqalersunik, nukissaqarluarnermikkut katersuuffiullutillu nunaqqatigiinni inuunermi ileqquusunut sunniuteqarlualersunik, aamma tarnikkut peqqissutsikkut.

Sulisut taamaattut qallunaatut nøglepersoninik taasagaat kommunini pisortaqarfinnilu allani inutalersuinermi mianerisariaqarput – qitiusumut eqiterivallaarnikkut inoqarfinni minnerusunit qimagussortinneqarpallaalersinnaanerat sulisoqarnermi aalajangersimasunik siunnerfilersornikkut eqqumaffigisariaqarpoq.

Tamanna soorunami ajornaatsuinnaanngilaq. Kisianni innuttaasunik sullissineq pitsaasoq tassaaginannngilaq allaffissornikkut sullissilluarneq, aammali tassaalluni sulisoqarnikkut ingerlatsineq nunaqqatigiit inuttut nukittorsarnissaannik eqqumaffiginnilluartoq. Tamannalu inuiaqatigiit aaqqissuussaanerat oqaluuserigaanni qaangiinnarneqarsinnaanngilaq.

Oqaatigisariaqartut allat ullumi aqagulu kommunit ataasiakkaat tungaanit erseqqinnerusumik qaqqinneqanngitsoornaviannngimmata tassunga killiinnariarlunga qujarusuppunga Naalakkersuisut ataatsimeeqatiserinninnerannut – neriullunga ataatsimiinneq manna paasinartulliorfiullunilu paaseqatigiiffiullunilu angusaqarluarnissamut aqqutissiuussiumaartoq.

Palle Jerimiassen, KANUKOKA-p siulittaasua